

1  
2





HYMENAEIS REGALIBVS

SERENISSIMORVM AC SERENISSIMARVM

PRINCIPVM

DRESDAE AC MONACHII

A C N. MDCCCXXXVII


CELEBRATIS

ACADEMIA LIPSIENSIS







 ar nouum, et Par huic geminum decore,  
Regibus magnis honor, et supremi  
Numinis certe pia cura, nostros  
Percipe cantus.

Sanguis o regum, cupidis daturus  
Lege regali noua iura terris,  
Et nouam stirpem, moderanda chordis  
Accipe vota.

Auspices caelo superos videtis  
Candidos nuptis properare soles;  
Et bona sceptri vice rem, genusque:  
Saecula genti.

Quanta subiectis populis duobus  
Spes, et immensi potior futuri  
Vultus, et, qualis Zephyri per herbas  
Aura, venitis?

Optimi, si quis fuit, aut futurus,  
Regis in pectus tacitum redundat  
Gaudium. nunc, nunc patrii mouetur  
Nominis vsu.

Maior exemplis amor, et suorum  
In ducem flagrans pietas: nec ipso  
Maius exemplum bonitatis edunt  
Carmina vatium.

Hunc deus, rarum decus, at merentem  
Pectorum fecit sine vi potiri:  
Laude Reginae tuba didit æquam  
Sedula famam.

Mentis absoluunt dubiae timorem,  
Prouidum si quid benefacta curet  
Desuper. Virtus meret hic: nec absunt  
Praemia dignis.

Diuidit iusta sua dona lege  
Cognitor caussae deus, et probauit  
Rege sub tali domus eius, et res,  
Regna polorum.

Ergo felices Hymenaeon almae  
Mifnidos Nymphae duplici sonabunt,  
Qua colunt, plectro, vel aquosa cultis  
Albia ripis.

Saxonum late populus, ferensque  
Nomen a magnis per aperta campis,  
Resque Boiorum, memoranda laudant  
Omina cantu.

Tu tamen doctae socialis vrbis  
Portio, sensu melior virisque,  
Lipsiae coetus, bene concinentes

Dic Hymenaeos.

Lesbii nunquam tua verba vincat  
Blanda cantoris lyra, nec feueri  
Threcis, et riuus mora, et apta totas

Ducere filias.

Hac decet cultorem Heliconis aequum,  
Hac decet Musae genus, et benignae  
Floridum caelo Veneris ducem nos

Voce ciere.

Nuptiis dexter venias dearum,  
Regios inter generos nurusque  
Pineam sancto quatias amoris

Flamine redam.



Aureae lucent facis explicantque  
Flammulae lumen: venit irrepreſum  
Gaudium. tantos mora nulla quondam

Soluet amores.

Aſtra qui caelo numerabit apta,  
Ille diuini pia dona nutus,  
Debitas Vobis, geniale munus,

Indicet horas.

Ducitur. magnae comites ſequuntur  
Gratiae Sponſam prope, et hanc, et illam:  
Serta quin Horae calathis vtrique

Florea portant.

Has domos ſemper Charites, Decorque,  
Has diu laetum referens Iuuenta,  
Has Fides concors: habitabit auctas

Copia prole.

O ducis primum genus, alterumque  
Sidus in magnis populis, et idem  
Artium fautor bone, cognitorque  
Docte mearum,

Vosque diuarum similes, et altis  
Spem nouam stirpis domibus daturae,  
Consciae Clius bene, ne secundos  
Spernite cantus.

Clara sunt regum benefacta et artes:  
Tempori cedunt tamen: at resistit  
Et per aeternum leuibus mouetur,  
Gloria pennis.



Pon Vd 3300, 2<sup>o</sup>

← BARCODE 1. SEITE VORFEE

v. 18



